



姓韻卷五十四

上聲

七虞下

逖威張



五 見姓謹

帝王世紀黃帝臣有五聖配下台

漢書陳涉傳有五逢銍人也將兵居許章邯擊破之按史

記作伍徐

後漢書田戎大將五公降于岑彭

釋隸漢碑有從史位順陽五肅字仕元

董卓傳郭汜為其將五習所襲死于郤桉五一作伍

華陽國志楊寬字叔仲新都人父斌證令萬世太守被諷

以忠義壯烈聞寬為郡吏鄉人馬閏章言太守五方寬與

凡偕詣獄證之得理後方遷南郡閏復章之寬乃發閏私

事閏伏罪友人汝錕為張明所殺寬怒縛明送錕家使自

謝之也

集古印謚漢有五京之

蜀志五梁犍為人以節操見稱諸葛亮領益州牧用梁為

功曹轉議郎遷諫議大夫五官中郎將

氏姓謚晉五裔樂陵人五胤始興太守五代時有五或為

州長史明弘治中宜城知縣五誰通海人桉弇山堂別集

作五淮

五廡氏見風俗通

風俗通漢有五廡充宗桉五廡充宗字君孟為梁丘易著

易畧說三篇見菽文志朱雲與論難連柱五廡君諸儒語

曰五廡嶽嶽朱雲折其角官少府與僕射牢梁宦者中書

石顯等結莫黨友見佞幸傳又按西京雜記五鹿充宗受學于弘成子成子少時嘗有人過已授以文石大如燕卵成子吞之遂大明悟為天下通儒成子後病吐出此石以授充宗又為名學也

五王氏見風俗通姓苑集賢傳

五侯氏此姓諸書無今補羣輔錄云相里勤五侯子之墨日夜不休以自苦為極

五鳩氏見韻誼

韻誼趙有將軍五鳩盧

五里氏見姓苑

姓苑後漢先零蠻五里精夫按南蠻傳五里精夫是南蠻非先零羌也

五相氏見姓纂路史

五斗氏此姓諸書無今補

晉書五斗叟為南陽王司馬模將淳于定所斬

伍 見姓解

按糸女兵法黃帝臣伍胥與鄧伯溫論攻城尅日者

按楚莊王嬖人伍參與蔡太師子朝友生舉食邑于椒謂

之椒舉國語謂之湫舉子曰椒鳴伍奢椒鳴得父邑而奢以連尹為太子建太傅王信費死忌譖殺伍奢及其子尚奢謂之棠君其長子尚亦謂之棠君也尚弟員奔吳事闔閭伍胥即伍員夫差時忠諫不聽屬子豐于齊鮑氏為王孫氏漢藝文志伍子胥遯甲孤虛十篇

漢書淮南王中郎伍被楚人諫淮南王曰昔伍子胥諫吳王吳王不用迺曰臣今見麋鹿游姑蘓之臺也今臣亦將見宮中生荆棘露霑衣也

謝承後漢書伍孚字德喻大將軍何進辟為東曹屬稍遷侍中河南尹越騎校尉董卓作亂孚挾佩刀見卓欲伺便殺之為卓所殺按三國志城門校尉伍瓊疑即孚也英雄記德瑜為袁紹奔走之友

宗躬孝子傳伍襲字世茂武陵人父沒羌中乃學羌語衣服與賓客入構諸羌相攻襲乘其仇負喪而歸

吳志江陵督伍延按晉書延降于晉
晉書杜預牙門將伍巢漢壽人

又伍朝字世明劉劭薦為零陵太守不就
伍參氏見世本

世本國語楚昭王時有伍參蹇按今國語無之

祖
見姓誼

按孔安國書傳祖伊祖己後也賢臣

說苑晉獻公時有東郭民祖朝上書獻計立以為師按一引作東郭祖朝係以東郭為姓也

吳志有祖郎為涇縣大帥孫堅將有祖茂孫皓厲武將軍

祖始降晉

魏志曹洪劫取玉璽符寶郎祖弼罵賊死節

晉書祖逖字士雅元帝時豫州刺史弟約字士言亦鎮豫

州兄納字士元少孤貧自炊爨養母王平餉以二婢帝嘗

命脩晉史官光祿性恠

宋書祖冲之字文達范陽人有巧思造指南車歌器千里

船水碓磨初官南徐州從事史上言何承天麻疏舛猶多

更造新麻以為舊法冬至日有定處未盈百載輒差二度

今令冬至日度歲歲微差將來久用無煩屢更又子為辰

首位在正北虛為北方列宿之中今麻上元日度發自虛

一又日辰之號甲子為先今麻上元歲在甲子又承天法

日月五星各自有元今法交會遲疾悉以上元歲首為始

上令善麻者難之不能屈會上宴駕不果施行
又祖台之字苑辰官侍中光祿大夫著志恠記

梁書上即位之三軍詔定新麻員外散騎侍郎祖暄奏其
父冲之考古法為正麻不可改至八年詔太史課新舊二
麻新密舊麻疏是歲始行冲之大明麻按梁書祖暄之字
景爍仕梁祖皓冲之孫善弄麻有文正才官廣陵太守

後魏書祖瑩字元珍與陳郡袁翻齊名官祭酒秘書監祖
琰字孝徵神情機警詞藻道逸為尚書儀曹郎中

唐書樂志隋協律郎祖孝孫依京房舊法推五音十二律
為六十音又六六為三百六十音旋相為用因定廟樂諸
儒論駁竟不施行

會昌解頤錄進士祖價詠之孫也落第後游商山中行李
危困夕至一孤驛有一空寺無僧秋月甚明忽有一人與
咏詩明日問人乃是書生客死者苑在佛殿樓王維詩集
祖詠行三

祖龍氏見孔叢子

孔叢子列精子高見齊王薦管穆可為臨淄宰王曰穆容
貌陋民不敬荅曰臣昔過臨淄市見屠商馬身脩八尺鬚

髯如戟向正紅白市之男女未有敬者無德故也王曰是所謂祖龍始者也

虎 見風俗通

新序趙簡子上羊腸之坂羣臣皆偏袒推車虎會獨擔戟行歌簡子曰侮其王者何罪會曰死而又死亦聞為人君而侮其臣者乎簡子曰因置酒與羣何如虎曰侮臣者智者不為謀辯者不為使勇者不為鬥簡子曰喜善

臣飲以會為上客按亦見子粦子

風俗通漢有合浦太守虎旗

氏姓謹元有虎表河內知縣性剛果有志節抑強扶弱決事明敏明有虎子威內丘縣人正統中任南昌訓導虎繼宗固原人正統中舉人

明史高瑤傳虎臣麟遊人成化中貢入太學上言天下士大夫過先聖廟宜下輿馬從之省親歸會陝西大饑巡撫鄭時將請賑臣齋奏行陳饑歉狀詞激切大獲賑貸已上言臣鄉比歲災傷人相食由長吏貪殘賦役失均請勅有司審民戶編三等以定科徭從之孝宗踐阼將建棕棚萬歲山脩登眺臣抗疏切諫祭酒費閭閻禍及銀鐙繫臣堂

樹下俄官校宣臣至左順門傳至諭慰曰若是是棕棚已
毀矣閭犬慚臣名遂聞都下頃之命授七品官乃以為雲
南磻嘉知縣卒官

明史胡大威榆林八官總兵崇禎十四年七月己卯李自
成攻鄧州楊文岳總兵官虎大威擊敗之

甘肅志岷州指揮僉事虎英嘉慶雲南^時戍定營參將虎正

林成都人弟成林阜和營守備乾隆三十七年征金川沒

于陳

虎夷氏見姓苑

媯 見姓苑

琥 見姓苑辨證

扈 見世本風俗通

周書異記周太史扈多

按史記趙王將有扈輒為秦桓齮攻殺張耳時別有扈輒

梁王彭越將扈輒勸梁王反者是有三扈輒也

風俗通漢有扈雲為千人官按王莽傳車騎將軍千人扈

雲大保屬臧鴻奏符命劉京言齊郡新井雲言巴郡石牛

鴻言扶風雍石師古曰千人官名也屬車騎將軍扈其姓

雲其名

孫寶傳廣漢太守扈商商以軟弱不稱職為孫寶所奏徵
下獄

高陽令楊著碑陰魏郡扈子明

魏志京兆人扈累字伯重隨青牛先生得其術年九十餘
無疾而卒

英雄記荊州太守扈瑁

晉書射聲校尉扈懷按隨郡內史扈懷言于劉弘曰陶侃
居大郡統強兵脫有異志則荊州無東門矣弘不從即是

人也

晉書王澄以杜曾代天門太守扈瓌又尚書令史扈寅非
罪下獄劉頌表明之

又扈謙善卜帝召使筮之封成謙曰晉室有磐石之安陛
下有出宮之象

姓纂唐有扈臧其後有元昌官倉部員外郎

五代史郭威與諸將議攻取諸將欲先取長安鳳翔鎮國
節度使扈從珂曰今三叛連衡推李守貞為主守貞亡則
兩鎮自破矣

五代史扈載字仲熙幽州安次人少好學善屬文順廣初
舉進士登第拜校書郎直史館遷監察御史以文名于時
常次歷代廢興治亂之迹為運源賦游相國寺見庭竹可
愛作碧鮮賦世宗遷小黃門就壁錄之王朴重其才薦于
李穀穀曰載命薄恐不能勝後果然

宋史扈再興字叔起淮人有膂力善機變起家土豪每出
戰必被髮肉袒徒跣揮雙刃奮呼人馬辟易授神勁統制
嘉定時屢有戰功子世達亦以名將稱至都統制

又扈蒙字日用晉天福進士入漢為鄆縣簿宋初由中書
舍人遷翰林學士開寶中與李穆等同脩五代史詳論古
今本草上書言凡有裁制之官優恤之言發宸衷可書簡
策者並委宰臣參政每月輪知抄錄以備史官撰記從之
蒙性沈厚不言人是非自張昭竇儀後典章儀注皆所刊
定著有鼇山集

氏族畧扈垣大名人元豐登科扈瑜河南人政和時登科
扈地干氏見官氏志

扈屈律氏此姓諸書無今補

唐書李晟遣野詩良輔斬吐蕃將扈屈律悉蒙焚其積蓄

而還

普 見廣韻路史

魏志代郡烏丸行單于普富盧與其侯王來朝

辯證宋有普貴開寶間納土歸順賜王爵

元史普元理其先高昌人徙公安至正壬辰進士任御史
遷江南湖北廉訪司事時所治郡邑皆陷遂詣憲假分司
印徵兵屬郡後授嶺南參知政事兵潰一門死過半元理
終不屈普花臨安宣慰司同知存心忠厚莅政嚴明遠近
靖安

氏姓謹明有普仲賢溧陽人洪武中湖廣僉事普有年垣
曲舉人普暉垣曲人正德舉人任長安教諭德行優長歷
西安知府山東副使棲弇山別集普仲賢漢陽人興安志
普暉為白河縣在成化時

普屯氏見周書

斛律金傳子光敗周柱國柁罕公普屯威按即辛威也

普六茹氏見周書

金石錄後周同州刺史普六茹忠墓誌普六茹者煬忠隨
高祖父也後魏時賜姓為都督涇豳雲顯鹽靈六州諸軍

事

隋書齊王憲言于周武曰普六茹堅相貌臣每見之不覺自失恐非人下請早除之周武曰此止可為將耳內史王軌諫曰普六茹堅有反相

苦

吳語大夫苦成對曰審罰則可以戰乎王曰猛按注苦成

越大夫

莊子南方墨者苦獲按羣輔錄褐裘為衣跂蹻為服日夜不休以自苦為極者相里勤五侯子之墨俱稱經而背譎

不同相謂別墨以堅白此苦獲已齒鄧陵氏之墨

氏族畧漢有會稽太守苦灼音庫按姓纂引風俗通云苦成越大夫漢苦均為會稽太守苦音庫灼與均必有一誤苦成氏見王符潛夫論

左成十四年傳衛侯饗苦叔甯惠子相苦叔傲甯子曰苦成家其亾乎

趙策苦成常謂建信君曰天下公從而獨以趙惡秦何也魏殺呂遼而天下交之今取河間於是與殺呂遼何以異君唯飾虛偽文信侯猶且知之也從而有功乎何患不得

收河間從而無功收河間何益也注常元作帝未詳
印藪漢有苦成勃苦成樂

鹵

史記游俠傳大原鹵公孺按陳書作魯公孺魯姓也
按後漢書昆明夷鹵承破斬哀牢王類牢封破膚傍邑侯
見西南夷傳

午

見姓苑

容齋隨筆引風俗通云漢有午汝臣

按宋有午相相州人淳熙進士知銅山縣兄弟以儒業名

家

奇姓通宣德舉人午明臣費縣人

仵

見姓苑

急就草漢有仵終古

姓苑晉有仵戎

周書都督拔略昶史仵龍取義城均口禽梁將莊思延
唐書薛仁果將仵士政給降統軍常達伺隙劫達歸賊後
為世民禽撲殺于殿庭

氏姓謚唐大名八仵良翰登科一云宋宣和時人

西溪叢話件盤良翁終南人父信本軍職終文思副使以
蔭補借職元豐中監青州臨淄酒稅有詩云太乙峯前是
家滿牀書籍舊生涯春城戀酒不歸去老却碧桃無限花
五代史劉鋹有駕州守將件彥柔

氏族畧漢有件正臣字真鄉樂安人操履端方為軍千戶
以孝聞件公玉開禧進士

氏姓謹件鳳泰和人元進士洪武初為英山令後轉翰林
院學士至大學士

題名錄件欽獲嘉縣人永樂甲申進士件紳蒲圻縣人成
化丁未進士

明史件瑜字忠父蒲圻人父紳工部主事瑜有志操正德
十二年釋褐即謝病去起補禮部主事復引疾歸世宗踐
阼起故宮疏陳勤聖學篤親親開言路敬大臣選諍臣去
浮屠拯困窮重守令脩武備儲人才十事已竟死杖下以
議大禮故

件從龍字鳳儀邵陽訛生明末流賊命陽從龍使趙子
清至潼關請兵城賴以全見康死疾紀

陝西志件坤鳳翔人嘉靖壬子舉人件魁邵陽人崇禎壬

午科舉人

四川志仵德遠妻劉氏守節宜賓人

仵城氏見姓纂

迂 見姓苑

統謚嘉靖時文登縣承迂春高鄧州貢士

愈

氏族畧宋愈植寶慶間知高安軍事

統謚愈德勤湘江人宣德中任興國縣丞按弇山堂別集

作曲江人

岳池縣志愈道瀛岳池人洪熙中任德化縣主簿

愈豆氏見路史按氏族畧作俞豆

戶 見姓苑路史

路史漢有男子戶尊按更始郾王尹尊見賈復傳此誤

許慎說文引戶彤說按今本作尹彤

魏書傳豎眼傳左右諫曰靈慶兄弟並有雄才其部曲多

是壯勇如彭超戶生之徒皆一當數十人弦不虛發不可

逼也

奇姓通明有戶校天順舉人

戶盧提氏見唐吐番傳

舊唐書德宗使韋倫歸其人其贊普乞立贊謂倫曰不知是來也而有三恨奈何倫曰未達所謂乞贊曰不知大國之喪而予不反衰一也不知山陵之期而聘不成禮二也不知皇帝 聖明繼立已發眾軍三道連衡今老之師聞命輒已而山南之師已入扶文蜀師已趨灌口追且不及是三恨也新書云乞力贊姓戶盧提氏

堵

左襄十年傳尉止司臣侯晉堵女父子師僕帥賊攻執政于西言之朝堵女父奔宋左僖公七年傳管仲曰鄭有叔詹堵叔師叔三良為政未可間也

左傳襄公十五年鄭人奪堵狗之妻而歸諸范氏注堵狗堵汝父之族狗娶于晉范氏鄭人既誅女父畏狗因范氏而作亂故奪其妻歸范氏先絕之

江南志元堵簡字無傲閏之孫幼治尚書長而敏達補陝西省宣撫使舉監脩國史掾史調江浙行省檢校官張士誠陷松江平章慶童擊之署簡校檢官部從其行被執不

屈遂遇害有葉萬戶為輿尸歸葬焉按張紳元賢翰劄疏
簡能畫為浙省掾

氏姓謚堵琇鳳陽人洪武中官宜都知縣堵昇文文龍山
陰人成化乙未進士官參政堵山永樂時舉人成都人堵
泉盧龍人弘治中官知縣堵維垣無錫人萬曆壬辰進士
堵天顏開封陽武縣人萬曆癸丑進士

明史堵胤錫字中緘無錫人崇禎丁丑進士隨唐王為巡
撫兵部右侍郎總制挂龍虎將軍印

題名錄堵拱微沔陽州人順治任辰進士堵疑漢陽縣人

順治乙未進士

堵斯氏此姓諸書無今補

按韓非子樂羊為魏將而攻中山其子在中山中山之君
烹其子而遺之羹樂羊坐于幕下而啜之盡一杯文侯謂
堵師贊曰樂羊以我故而食其子之肉答曰其子而食之
且誰不食樂平罷中山文侯賞其功而疑其心國策作觀
師贊

堵敖氏見路史

浦

見東瀛定姓碑

氏姓謚三國有浦仁裕著廣平章記十五卷按三國無此人

姓謚晉起居注有尚書令浦選

一作尚方丞

或曰浦詳

氏族畧宋有員外郎浦延熙

宋濂西域浦氏定姓碑文云起居注浦君與予為同朝友自序其世系及定姓之因請予文以靳諸碑予讀已嘆曰是不亦君子之道與浦君西域阿魯溫人高祖以上忘其名曾祖哲立理元太祖時遷幽之宛平生忠順大夫同知温州路總管府事道吾道吾字善初因宦于杭復居錢塘

拱衛鄉生六子沙的曰黑黑曰福州錄事司達魯花赤秦

住丁曰六十曰刺哲曰馬思護黑黑生二子曰江浙行省

宣使羅里曰賽曾丁六十生一子曰木八刺贅于女氏復

遷于永嘉能務廢舉之術家饒于貲刺哲生三子曰道刺

沙曰溥博即浦君其字為仲淵曰忻都馬思護生三子曰

哈山唯是再世多已物故惟木八刺父子及浦君存浦君

性穎悟父與其母聶夫人訓之尤篤去從名師傳通詩毛

氏箋而折衷以朱呂之傳發為文詞其光煜然也中至正

壬寅江浙鄉闈已榜辟教諭德清轉嘉興遂占籍嘉興卜

魏塘棲居馬洪_或辛亥郡府貢至南京試執銓曹又中高
選授侍儀使再轉今官生四子曰禺曰印曰珪曰璋皆蕭
山沙氏出也于是與薦紳先生因謀其自名而定以浦為
姓

楊爵傳御史浦銚以救爵先後_或死獄中自是無敢救者
銚字汝器文登人正德十二年授洪洞知縣有異政嘉靖
初召為御史刑部尚書林俊去國中官秦文已斥復用銚
疏力爭之且言_或定侯郭勛奸貪宜罷其兵權忤旨奪俸
三月以養母歸母喪除起掌河南道事給事中

明史浦源無錫人工詩有雲邊路繞巴山色樹裏河流灌
木聲之句與林鴻等為十才子官晉府引禮舍人按秦夔
無錫志源字長源工詩尤善畫號東海生

題名錄浦清上海人正統乙丑進士浦鏞字廷用上元人
景泰甲戌進士按鏞授御史出知建寧府以清勤節儉為
治民懷之又浦杲字東伯少孤貧好學長益刻厲邑令王
術方之林和靖所著有筆胸筆錄

題名錄浦旒常熟縣正德甲戌進士浦瑾無錫縣人正德
辛巳進士浦應麒無錫人嘉靖壬辰進士浦之浩登州人

嘉靖辛丑進士浦卿丹徒人萬曆丁丑進士浦士衡大倉
州人萬曆丙戌進士浦延祐嘉定縣人萬曆癸丑進士
山東志浦朝佐登州人官甘肅徽州知州浦之誥嘉靖進
士官副使浦應麟字通徵嘉靖進士官春坊中允
題名錄浦文焯嘉善人康熙丙戌進士浦起龍金匱人雍
正庚戌進士按起龍字二田著有史通通釋

鼓

見姓苑

舖

見姓苑亦見纂文要

覩

見姓苑

覩斯氏此姓諸書今補

魏策樂羊為魏將篇有覩師贊注引春秋後語作堵師

圃

見姓苑

鄠

見姓苑按姚察訓纂云戶扈鄠三字一也

虜

見姓苑

溥

見姓苑

按四年庫書總目明西洋人溥汎際撰寰有銓六卷書成
于天啟其論皆宗天主又有園滿純體不壞等十五篇皆
以闡明彼法

撫 見姓苑

詡 見姓苑

部 見姓苑

梁始興忠武王碑有閤防吳興部元明

澍于道光十一年在清江見河工漕標千總部生芹問之

係湖南澧州人

莆 見氏族畧

續通志莆森枝江人洪熙中雩都縣知縣

按宋史占城國王悉釋利因陀盤遣使莆阿散來朝

儻 見姓苑

牡

牡丘氏

姓苑漢有鉅鹿太守牡丘勝以勇力聞按勝一作勝

頃 玉篇頃思主切姓也族畧入于魚韻誤矣

樓 廣韻力主切集韻隴主切並音縷廣姓又云姓也出纂文

楮

集古印謚漢有楮孺楮輔之

正字通明景泰中楮山睢寧人任石首縣主簿

蘇外 額玉 吻額 志 子 傳

上 耳 八 之 卜 五

原 闕 東 字 八 千 八 百 廿

核 算 共 字 八 千 三 百 〇 二 十 一

共 合 子 考 治 卷 之 五

武威張 澍 纂

禮 見 姓 苑 路 史

左僖二十五年傳衛伐邢二禮從國子巡城掖以赴外殺之禮至為銘曰余掖殺國子莫余敢止注國子衛正卿禮至本衛人仕邢為大夫

左僖二十四年傳衛人將伐邢禮至云不得其守國不可

姓韻卷五十五

武威張澍纂

上聲

八霽

禮 見姓苑路史

左僖二十五年傳衛伐邢二禮從國子巡城掖以赴外殺之禮至為銘曰余掖殺國子莫余敢止注國子衛正卿禮至本衛人仕邢為大夫

左僖二十四年傳衛人將伐邢禮至云不得其守國不可

得也我請昆弟仕焉乃往得仕

左閔二年傳狄囚史華龍滑與禮孔二人禮孔曰我太子
史也

謝承後漢書禮震字仲威平原人受尚書于歐陽歙歙以
汝南臧罪下獄震年十七馳京自繫上書求代歙死光武
嘉其仁義拜郎中後以公事左遷淮陽王廩長

論衡會稽都尉禮文伯時羊伏廳下後遷東萊太守
英賢傳漢有新市長禮賢

集古印謚漢有禮姜

後趙錄張賀度屢裁諫石斌斌怒辱賀度虎鬪大怒遣主
書禮儀持節監之斌行意自若儀持法呵禁斌怒殺之
北魏李仲璇修孔子廟碑陰有祭酒從事禮常德

邨

見姓苑

風俗通漢有上郡太守邨柱

北齊書酷吏傳行臺僕射邨珍字安寶中山曲陽人從高
祖起義拜為長史性嚴暴後兼尚書右僕射大行臺節度
諸軍事後徙洛陽御下嚴酷為民所害按魏書華山王鷲
在徐州高歡使大都督邨珍奪其筦鑰又云持節征北將

軍殷州刺史邴珍為徐州大都督東道行臺僕射率將討東徐州是珍先仕魏也

隨書吏部主事邴懷道甚有清慎之名諫煬帝幸江都仕唐為刑部員外郎杜淹常薦之按舊唐書作邴懷道誤元史邴亨行唐人貞祐間河朔兵起亨結豪傑保鄉曲從史天澤伯顏有戰功賜金符虎總七路萬戶府事子順太祖九年授行唐令擒殺真定羣盜以順為恒州安撫使金將成仙率眾來攻戰卻之後知中山府多惠政弟常以功賜名金那合兒

元史邴順傳子浹襲職為金州萬戶成宗大德三年追封高陽公子榮仁襲佩其虎符為宣武將軍子貫貫子士忠士忠子文皆襲職

氏姓謹邴鵬唐縣人洪武進士邴善高陽人洪武中苑馬監正邴邴高陵人天順中魏縣主簿邴定昌黎人弘治中揚州照磨邴其昌太原苛嵐州人天啟乙丑進士邴養性永清縣教諭崇正十五年冬遇變與知縣高惟岱同死邴泉昌黎人杭州通判邴錦嵐縣人隆慶舉人

新建縣志邴蘭標字香祖溧陽人乾隆十一年任新建知

縣

按邱得倫乾隆間寧夏把總邱紹柱順天人嘉慶時官宿州衛領運千總嘉慶時有邱飛虎直隸定州人武狀元任廣西副將

啓
見路史

賈子五美篇機奇啓章之謀不作按啓章即淮南王傳之開章也避景帝諱作開耳

廣韻後燕有將軍啓倫按通鑑作啓籥曲江人後燕錄慕容寶遣將軍啓崙南視魏形勢啓崙還至龍城言中山已

陷寶即命罷兵是作倫作籥者皆誤

江西志啓和吳川人正統中任雩都訓導按弇山堂別集啓常達州人官雩都訓導

溧陽縣志啓邁字時訓嘉靖己丑沈坤榜進士留守衛籍官禮部侍郎溧陽人

米
見辯證

後漢書米楷與田盤陳耽薛郭宋布唐龍羸咨宣褒為八友

唐書回鶻傳懿宗時大酋僕固俊自北庭擊吐蕃斬論恐

熱使達于米懷玉朝且獻俘

按唐有米嘉榮長慶間供奉歌者劉禹錫詩云唱得涼州
意外聲舊人惟有米嘉榮子和郎善琵琶

宣室志會昌中米暨為振武軍節度使饋李德裕四百羊

按唐書成宗以夏州節度使米暨為東北道招討黨項使

唐書黃巢以朱温為同州刺史令自取之同州刺史米誠

奔河中温遂據之

唐藝文志米遂明堂論一卷

唐書李克用遣大將高文集守朔州吐谷渾都督赫連鐸

說文集歸國文集執克用薩曷部米海萬降于李涿

五代史米至誠沙陀部人少嫻騎射乾寧四年奔于楊行

密為右都押牙將兵襲潁州至誠當時稱弩為第一安仁

義以射自負曰志誠之弓十不當瑾槊之一瑾槊之十不

當仁義弓之一

五代史米君立為將軍按後唐賜君立姓名李紹能後復
姓以為邢州節度使

宋史米信舊名海進本胡族少勇悍善射周祖以隸護聖
軍世祖征高平以功遷龍捷散都頭後隸太祖麾下遂委

心焉後官彰武軍節度使端拱初所為多暴橫後下獄死
子繼豐內殿崇班閣門祗候

宋史米芾字元章吳人為文奇險不蹈襲前人軌轍子友
仁字元暉善畫作楚山清曉圖上於朝絕妙等倫仕至兵
部侍郎敷文閣學士

米會氏見唐書

禰

見姓誼

後漢書平原般人禰衡字正平有才辯尚氣剛傲曹操錄
為鼓吏善漁陽槌淵淵有金石聲于黃祖坐賦鸚鵡文不

加點後為黃祖所殺年二十六

唐書蘓定方傳百濟國大將禰植將其主扶餘義慈降

洗

見姓苑又音線

梁書高涼太守馮寶妻洗氏乳長七尺高涼蠻酋女善戰
封石龍夫人侯景反都督蕭勃徵兵入援遣刺史李遷仕
召寶寶欲往氏疑其反止之後果反寶卒嶺表大亂氏懷
集之百越晏然以功封信都侯詔冊為高涼郡太夫人鼓
吹旌節如刺史儀陳亡降隨番禺夸叛夫人戰于羅州城
大破之于望仙坂累封譙國夫人開府置長史官屬卒諡

誠敬子盜

隨書高涼通守洗寶徹舉兵作亂嶺南谿洞多應之

唐書馮盎傳番禺新興名賊高法澄洗寶徹等受林士弘節度殺官吏盎率兵破之寶徹兄子曰智臣復聚兵拒戰兵始合輒釋甲大呼曰若等識我耶眾委戈袒而拜賊遂潰會智臣等遂有番禺蒼梧朱崖地

李商隱集有為京兆公乞留瀘州刺史洗宗禮狀

氏族畧洗積中番禺北流人紹興中登進士累官至朝請大夫知白州有治聲合郡戴之

氏姓謹洗用行番禺人永樂初為鎮江推官斷獄平允甚

得民心孫尚文正德進士改庶吉士洗文淵廣東順德人

正德中由鄉貢知南安縣性方介不能徇上以奸頑犯者

無曲貸然愛民出自真誠民感之徭役賦稅無後期者居

官清苦食無重味衣無重新冲約如寒士洗桂芳洗思謙

萬厯舉人均南海人洗桂奇南海人嘉靖乙未進士洗光

順德人由進士正德中任泰興知縣後官大理寺卿按方

獻夫傳給事中孫應奎劾獻夫私其親故大理少卿洗光

即其人

四川志有洗公石馬塔院記

幾 見風俗通

璽

奇姓通璽書陽谷人正德中任富峪衛經歷

濟

見姓苑

東觀餘論近人更不作章草書近有濟及洪府人強學之所謂不堪位置舉止羞澀終不似真

澧

見姓苑

體

上禮切見姓苑

四川志體文宗字憲章雅安監生家素裕慷慨好施建書院修城工設考棚立廣仁堂於瀆江東岸置義田以贍孤貧會乾隆中金川之役役夫病餒者相望於道文宗悉令移至廣仁堂延醫視藥餌死則出棺拵埋愈則具衣履按程給費遣之歸所活無算治東舊有雲路橋以鐵索構成文宗易以石跨瀆江上行者如履周道總督文綬呼為善人而不名又以利濟為懷表其門知縣王廷取詳議請叙如例

躰

見姓苑

九蟹

解 見路史

左文八年晉侯使解揚歸匡戚之田于衛楚伐宋鄭囚解揚獻楚楚子賂之使反其言登樓車遂致其君命楚子舍之按人表作解陽

左襄三年傳祁奚請老稱解狐其仇也將立之而卒君子謂稱其仇不為詔又成二年傳鞏之戰解張御卻克

王逸楚詞天問注晉大夫解居父聘吳過陳墓門見婦負其子欲與之媼婦人引詩刺之曰墓門有棘有鴉萃之亦

見列女傳

說苑魏有解扁按陰據諫張駿曰昔西門豹宰鄴積之于人解扁蒞東封之邑計入三倍文侯以豹有罪而可賞扁有功而可罰是解扁文侯時人

楚漢春秋解先生說沛公遣守函谷毋內項王而張良世家云鯁生說注鯁小也小生即解生

史記陳豨丞相解福按福先為豨太僕為樊噲所虜

元后傳司隸校尉解光奏曲陽侯王根行貪邪臧累巨萬按荀悅漢紀司隸解光好待詔賀良所奏之天官麻包元

太平經十二卷言漢家麻運中衰當再受命宜改元易號
太平經者成帝時齊人甘忠詐造後光減死一等徙敦煌
風俗通光和四年四月南宮中黃門寺有一男子長九尺
服白衣中黃門解步呵問何等人曰我梁伯夏天使我為
天子忽不見

漢書御史大夫解延年按延年後以臯徙敦煌

後漢書方士解奴辜能變易物形以誑幻人隱淪出入不
由門戶按一作鮮奴辜

高柔傳司徒吏解弘遭父喪後有軍事受勅當行以疾病
為辭詔怒曰汝非曾閔何言毀耶促收考竟柔見弘信甚
羸劣奏陳其事宜加寬貸帝乃詔曰孝哉弘也其原之

隨經籍志解道彪著三齊記

晉書陶璜傳九真太守董元有勇將解系璜誘其弟象使
為書與系元遂殺系

晉書解系字少連濟南著人父修魏琅邪太守梁州刺史
考績為天下第一系由尚書出為雍州刺史孫秀與爭軍
事朝廷知系守正不撓召趙王倫還弟結字叔連為御史
中丞弟育字穉連名亞二兄歷太子洗馬倫秀以宿憾收

系兄弟梁王彤救系等倫怒曰我于水中見蟹且惡况此人輕我耶害之

前趙錄將軍解虎謀反潛結巴酋句徐庫彭等事覺虎伏誅

鄴中記石虎時工人解飛作旃檀車左轂上置碓右轂上置磨每行十里磨麥一石舂米一斛又作金佛像于車上九龍吐水灌之又作木道人恒以手摩佛心腹之間按後趙錄解仕上方令侍中御史機巧若神妙思竒發

孝子傳解叔謙字仲恭雁門人母疾夜禱聞空中語云須

丁公藤為酒便瘥叔謙訪至宜都山得之按齊春秋叔謙字處梁遇一老翁伐木語云丁公藤治風尤驗與之四段並告以漬酒之法

南齊書百濟王牟大奏曰魏虜侵界遣大將解禮孔等大破之解禮孔可假行武威將軍

齊書劉昶賂宋降人解奉君子會刺殺車僧朗魏人收奉君誅之

唐書解琬元城人舉中幽素科景龍中為御史大夫兼朔方行軍大總管終同州刺史按琬為總管奏按三城戍兵

減十萬人

唐書解朝政至上黨劉稹見朝政曰相公危困不任拜詔朝政欲突入兵馬使劉武德等躡簾而立朝政疑有他變遽走出

唐藝文志解忠鯁著龍武彖兵圖二卷

唐書解忠順官職方員外郎

五代史史弘肇殘忍罷任孔目官解暉凡入軍獄者隨意鍛鍊無不自誣

氏族畧宋有解澄解九皋均登科解潛紹興初為荆南鎮撫使募人耕荒田收大利解元字善長保安軍德清砦人猿臂善射隸韓世忠麾下有戰功升忠州團練使後為御前諸軍統制

宋史解暉臨洺人歷晉至周為虎捷第一軍都虞候宋初從征暉目中流矢雍熙初充雲應寰朔忻代等州都巡檢使為人驚猛木強征伐常身先之人所憚者視之甚易

按本朝解幾貞韓城人進士康熙十三年任巡按蘇松常鎮御史

解拔氏此姓諸書無今補

周書鐵勒解拔彌俄突先擁眾自守後款附賀拔岳又云
夏州刺史解拔彌俄突勝兵之士三千餘人

解批氏見路史

後魏書高車別帥解批莫弗幡豆建率其部三十餘落內
附拜為威遠將軍置司馬參軍賜衣服歲給廩食

買
見路史

氏族畧五代有將軍買叔牛按統謹作買叔千訛

四川志宋有進士買天英郫縣人

氏姓謹明成化舉人買源按一作買濟河內人正德中任

懷寧主簿

甘肅志買成璋靈州武舉買偉亦武舉

四川志本朝買國良寧遠府人由行伍出師西藏累功至
參將買國林官把總均死於金川之難

按嘉慶時買應桂四川人任寧越營把總

歹
此姓諸書無今補

甘肅志明歹懷德冠帶總旗

楷
見姓苑

駭
見姓苑

罷

罷敵氏見路史

十賄

隗

見姓苑

史記秦始皇丞相隗林索隱云作狀者非按顏氏家訓隨
開皇中京師穿地得鑄秤權有銘云始皇時量器丞相隗

狀

漢書光武時成紀人隗囂字季孟據天水稱上將軍季父
崔白虎將軍族人隗茂子恂字伯春為光武誅子純王元

周宗等立為王為來歙破之

華陽國志隗相字叔通捷為人事母孝母惡江邊水不潔

必得江心水乃飲食後江心涌出一石舟可為依人以為

孝感朝廷徵為郎按亦見水經注

後漢書陳思王鈞使客隗久殺李儀家屬吏捕得久繫長

平獄鈞欲斷絕詞語結客篡殺久注云久或作文

魏畧隗禧字子牙京兆人少好學三輔亂禧南客荊州擔

負經書誦習之魏時拜譙王郎中王宿聞其儒者當虛心

從學

晉書隗炤汝陰人善易臨終授書板于妻責金于善筮之
龔君

晉書西戎司馬隗粹諫司馬勲勲殺之

前涼錄張寶賊曹佐隗瑾高昌人勸涼王少損聰明開納
羣言

西涼錄折衝司馬隗仁與乞伏熾磐力戰為熾磐所禽在
西秦五年乃得還姑臧沮渠蒙遜執其手曰卿孤之蘇武
也以為高昌太守按仁為段暉所左右得全

蜀錄李特時有隗伯與朴泰等譎羅尚後與苻成叛

類苑孝宗追復岳武穆官爵收召其子孫令給還原資主
者具當時沒入之數止九十緡耳其斃於獄也實請其浴
拉脇而殂獄卒隗順負其屍出葬于北山之滑身故有一
玉環亦以徇樹雙橋於上識焉

氏姓謚明嘉靖進士隗邦衡潛江人萬麻中官資陽知縣
按弇山別集作清江人隗稷富平舉人

隗
按隗即隗氏也

漢繁陽令楊君碑陰有故民隗副多豪隗惜子才

海
見姓苑

鹽鐵論衛靈公當冬穿地海春諫之

氏族畧唐有海鵬撰草經一卷按兩朝志海鵬作忠經非草經

元史海牙字伯源高昌人祖為袁州稅務大使遂為宜春人牙登至正進士授承事郎進賢縣達魯花赤興革利害茂著廉勤飾公宇繕學舍為士民仰戴尤善屬文

安化縣志明洪武時海源善知安化縣勤于政事謂人肌膚受之父母何乃毀傷以熟皮為鞭使知愧而已民不忍欺

廣東志海淵廣東人洪武初官戶部尚書

氏姓誼海岱臨淮人正統中官射洪知縣海澄電白人成化進士任御史海鯉江夏人弘治庚戌進士海輔上蔡舉人正德中任撫州府同知

明史海瑞字國祥一云字泌賢瓊山舉人伏闕上平黎策欲開道置縣以安鄉土識者壯之署南平教諭遷淳安知縣擢嘉興通判還擢戶部主事嘉靖中以直言歷大理寺卿丞應天巡撫南京提督糧儲都御史

明史海壽御馬監少監

題名錄海鳳翥衡陽縣人康熙甲戌進士

甘肅志嘉慶時海金虎甘肅人任哈拉庫圖爾營守備海
淵蘭州人任蒙陰縣丞

縉紳錄海蓬瀛鄭州人嘉慶時官福建永定縣三層嶺巡

檢

宰
見姓解

史記孔子弟子宰予字子我

呂氏春秋魯有宰讓

淮南子魯哀問其傅宰折睢曰吾欲西益宅而史以為不

祥子以為何如宰折睢曰天下有三不祥而益宅不與焉

按御覽引淮南子作問其傅曼折睢韓子作宰質睢

漢藝文志有宰氏十七篇農家者流注不知何世

水經注漢高帝七年封都尉宰寄為朝陽侯按一本寄訛

作弩

後漢書司空掾宰直

又會稽西部都尉宰鼂行太守事以微過收吳縣獄吏將

殺之主簿鍾離意爭諫甚切鼂怒使收縛意彭修排闥入

拜于庭

又知農人宰宜素性佞邪欲取媚于梁冀上言大將軍妻宜封為邑君詔遂封冀妻孫壽為襄城君

晉書石水畧有揚州以其長史宰與領山陰令

晉書孫拯門人宰意與費慈詣獄明拯拯死二人亦死見陸機傳

氏族畧宋有宰需揚州人登科

元史宰獻番禺人至正進士

按元姚燧有送宰先生入秦序

明史四川土司松潘傳黑虎寨賊首夜合劫攻關堡在叅

將宰用兵備副使沈琮督兵詣松谿堡敗之斬獲夜合等

三十六級按四川志宰用山後人成化中以寧州指揮升

都督僉事鎮四川

氏姓謹宰魁濟陽人知治中贊皇知縣宰正保安人任四

川都指揮

宰父氏

家語孔子弟子宰父黑字索按史記作罕父黑字子索宰氏氏見氏族畧按無此氏宜刪

韓子秦有大夫改產按或作改差訛

記事珠雲陽改氏值豐年盡取金錢埋之九里皆滿曰有得意田遂可棄無用金按一作段氏者訛

北通州志明有改學孔通州貢監

陝西志改謙六富平人官訓導

甘肅志改日新宛平人康熙年間任花馬池副將

按改師立監生修醫宗金鑑時為謄錄乾隆間人見醫宗

金鑑目錄

趙懷玉亦有生齋集仁和丁農友夢至陰誦大悲咒得還

屬萼亭改伯蘊作夢回圖

王芭孫集有改七蕪名琦画秋花仕女圖詩

亥 見廣韻官氏志

高士傳晉平公時有亥唐晉人隱居高恪寡素晉國憚之平公與亥唐坐有間亥唐出叔向入平公申一足曰吾向時與亥子坐腓痛足痺不敢申叔向不悅平公曰子欲富吾祿子欲貴吾爵子亥先生乃無欲也吾非正坐無以養之

采 見英賢傳路史

風俗通漢有度遼將軍采皓按亦見英賢傳

姓謚晉東莞太守采耿至隨漁陽郡主簿采強狀云耿之

後也生宣昭公敏宣昭給事中刑部侍郎生懷敬懷敬吏

部郎中宗正少卿生庭芝蘭芝公敏黃門侍郎生泰眷右

金武將軍相州刺史

文惟簡塞北事實憫忠寺有采師倫書重藏舍利記按金

石表唐重修舍利記武宗會昌六年采師倫楷書

錢希言獮園靈祇類指揮采成文構成錢日省家之獄因

其同里沈瑞徵誘祖皋母鏹六百緡後瑞徵獨匿其賂成

文無所得因陷祖皋大辟

明黃岡樊維城鹽邑志林有采九德著倭變事畧四卷

氏姓謚嘉靖中浙江海寧衛指揮采鳳翔鳳陽人

紀昀詩集頌賜四庫全書坡館臣哈密瓜聯句有編修采紱

在

廣韻晉汝南太守在育

梁始興忠武王廟碑陰有吏在允民

每

古今印藪漢有每當時

陝西通志每可薦長安人順治乙酉科舉人

倍 見路史

倍侯氏見魏書按通鑑作倍侯誤

魏書初高車倍侯窮竒為噉噠所殺執其子俄彌突而其
照分散

北史斛律部別帥倍侯利奔後魏封孟都公按魏書高車
傳倍侯利擊杜崱大為所敗奔魏性質直勇健過人北方
人畏之嬰兒啼者語曰倍侯利來便止處女歌謠云求良
夫當如倍侯利善用五十著筮吉凶每中按倍侯利即斛

律金之高祖蓋後又分為斛律氏

愷

此姓諸書無今補

按洞神部地皇氏姓愷名胡洮字文生未可依据

嵬

按金石志漢有嵬氏冢舍瓦文錢別駕玷得于馬嵬蓋嵬
姓人家中瓦也

破

此姓諸書無今補玉篇破姓也通雅音亥

莖

集古印謚漢有莖夫人

待 見姓苑

按唐人有送待進士歸蜀詩失其名

按大足縣南山有宋淳熙時邑令何光震餞郡守王夢應

石刻有從政郎待缺季方其名駁落季方其字也此文刻

于三清洞之石壁余攝篆日始按得之

肉 此姓諸書無今補玉篇肉姓也通雅音罪

廼 見氏姓謚按廼即乃字古文作廼

按元有廼賢本葛邏祿氏也

十一軫

軫 見姓苑姓纂路史

集古錄陳果仁妻軫靜緣

尹 見風俗通

按堯師尹壽桀臣有尹諧周太史尹佚宣王時尹吉甫子

伯竒穆王時尹軌有道之士居終南山尹真人艸樓尹喜

為關令望紫氣知老子至號元始先生

呂覽尹儒學秋駕按莊子作尹需云尹需學御三年而無

得中夜夢受秋駕于師

按春秋魯有尹氏鄭有尹何子皮使為邑子產不可周有

尹言多殺佞夫尹辛敗劉師於唐取西關戰國晉有尹鐸
墮晉陽趙有尹皋通天文見晉書天文志序

儒林傳尹敏字幼季堵陽人習歐陽尚書拜郎中與班彪
親善每相遇輒日旰忘食夜分不寢自以為鍾期伯牙莊
周惠施之相得也後官諫議大夫

光武紀更始郎王尹遵為賈復破降之

和帝紀大司農尹睦為太尉錄尚書事按漢宮儀睦字伯
師鞏人

安帝紀司空南陽尹勤字叔梁篤性好學屏居人外荆棘

生門以雨水傷稼免按陳寵侍勤以定策立安帝封福亭
侯

漢書安帝紀先零羌寇益州遣中郎將尹就討之

冲帝紀時尹耀為揚州刺史與九江太守鄧顯討賊范容
于歷陽軍敗耀顯為賊所沒

論衡王莽時勃海尹方年二十一無所師友性智開敏明
達六藝魏都牧淳于倉奏之帝徵方使射蜚蟲筮射無不
知者天下謂之聖人

桓帝紀尹頌由光祿勳為司徒按頌字公孫鞏人又桓帝

世尹勲字伯元河南人剛毅直方為尚書令有誅梁冀功
封宜陽鄉侯按李固薦河南尹存

尹文氏見世本

左傳尹文父涉于鞏

姓謚齊定公時有尹文先生按即老成子從學幻者世本
齊有尹文子著書五篇漢藝文志名家有尹文子說齊宣
王時事在公孫龍前姓謚以為定公時人非也劉向曰與
宋鉞同游稷下列子周穆王篇有尹文先生當時尹文子
之先又按尹文子書云尹文子見齊宣王王嘆國寡賢少

尹文子曰使國悉賢孰處王下王曰國悉不肖可乎尹文
子曰國悉不肖孰理王朝王曰賢與不肖皆無可乎尹文
子曰不然有不肖故王尊於上臣卑于下進賢退不肖所
以有上下也

尹公氏見路史

左傳尹公佗學射于庾公差見襄十四年

神仙服食經尹公度聞曰寧得一把五加不用金玉滿車
寧得一斤地榆不用明月寶珠地榆玉札也其實黑北方
難得按亦見東華真人煮石經

尹午氏見姓纂路史按此說非宜刪

允 見潛夫論姓纂路史

黽

印藪漢有黽初宮

盡

見姓苑

閻

統謚明永樂中上高縣丞閻立道按立道武進人見弁山

堂別集

敏

見姓苑

隸釋漢有敏勗碑在冀州

岷州志敏時強明岷州正千戶

甘肅志陝西延安府安定縣訓導敏晉成鞏昌府人歲貢

范公稱遇庭錄崧山隱者敏交時

一作如

閉戶著書不接世

事忠宣造其居自名其利曰探道學古持所業謁見有字

說解可字云方釘丁時必象其孔之可否又解母字云方

為女時未有所乳為母則兩乳坐矣

忍

見姓苑

西羌傳燒當羌忍良等以麻奴兄弟本燒當世嫡而校尉

馬賢撫恤不至常有怨心遂相結共脅諸種寇湟中攻金城諸縣又云飢五同種大豪盧忽忍良等千餘人別留允街而首施兩端馬賢召斬盧忽而忍良出塞

通 見姓苑

引 見姓苑路史

按成后昇仙太子碑後列官有從安國相缺品官行內侍

省奚官局令引參目

愠 諸書無此姓今補

按漢巴郡太守張納碑陰法曹史江州愠益

戡 見姓苑

準 見姓苑

菌 此姓諸書無今補

呂氏春秋公子連去入翟從焉氏塞菌改入之公子連立是為獻公德菌改而欲厚賞之監突爭之曰不可獻公乃賜菌改官大夫注菌改守塞吏

濬 見路史

閔 見路史

按魯大夫閔子馬字馬父生損字子騫為孔子弟子左襄

二十三年傳閔馬父勸公彌以為子孝敬共父命公鈕然之敬共朝夕以原伯魯不說學而知其將亡知子昭之必不克齊閔丘明來盟笑子服之戒吏人為太滿為言正考父校商之名頌蓋深于學問者也

按閔因有公羊傳序引百二十國寶書

漢書千乘太守閔弘上書言樂已有道術

獨行傳閔貢字仲叔太原人世稱節士客安邑日買猪肝一片安邑令敕吏常給仲叔知而嘆曰豈以口腹累安邑耶遂去沛建武中以博士徵不至

盧芳傳芳將閔堪代郡人降光武以堪為代相堪弟林為代太傅

寇恂傳恂與門下掾閔業說耿况歸光武後官遼西太守
齊關內侯

獻帝春秋河南中部掾閔貢見天子出幸騎追之北到河上天子飢渴貢宰羊進之厲聲責張讓等曰君以宦閣之隸刃鋸之殘越從滄泥扶持日月賣弄國威階賤為貴劫迫帝王蕩覆王室假息漏刻游魂河上自亡新以來奸臣賊子未有如君者今不速死吾射殺汝讓等惶怖叉手向

天子拜曰臣等死陛下自愛遂投河而死此又一閔貢也
袁紹傳冀州牧韓馥別駕閔純勸馥勿以州讓紹按英雄
記純字伯典

吳錄尚書閔鴻廣陵人見陸機陸雲竒之曰此兒若非龍
駒即是鳳雛按鴻有羽扇暄琴賦

舊唐書宣宗紀有司享太廟其穆宗室文曰皇兄太常博
士閔慶之改奏為嗣皇帝

唐書僖宗中和二年以湖南觀察使閔勛權充鎮南節度
使

十二吻

隱

見風俗通

異苑魏安釐王觀翔鵠而樂之曰寡人得如鵠之飛視天
下如芥也吳人隱游者聞之作木鵠而獻王曰此有形无
用者也夫作无用之器是奸民也召隱游欲加刑焉隱游
曰大王知有用之用未悟无用之用也今臣請為大王翔
之乃取而騎焉翻然飛去莫知所之

風俗通漢有隱翁

漢書河間中尉隱哀按一作隱哀又作隱襄

吳志廷尉左監隱蕃青州人奔吳欲為亂事覺被誅胡綜傳青州人隱蕃歸吳孫權用為廷尉監左將軍朱據廷尉程普稱蕃有王佐之才後蕃謀叛事覺伏誅

損 此姓諸書無今補

說苑鳩夸子皮曰侍于屈春損頗為友二人者之智足以為令尹不敢專其智

近 見潛夫論路史

謹 見姓苑

錄異記安定侯子光自稱佛太子從大秦國來當王小秦

國易姓為李氏依鄆爰赤耆家頗見其妖怪赤耆信之妻以二女轉相扇惑一作經北京樊綏一作竺龍謹謹等聚眾數千

于杜陽山稱大皇帝改元龍興立官屬大將軍鎮西石廣平斬之按晉書作嚴譔謝樂子等他書或引作慎譔

衮 諸書無此姓今補

按宋元祐黨碑曾任待制以上官有衮公適史無傳其受姓之始未詳疑當為兗宋有兗公序或其兄弟

憚 見姓誼

譚友夏集憚道生善畫山水按圖繪寶鑑續纂云名本初

武進人

武進縣志 弘治進士 惲巍 字功甫 官按察司副使 惲釜 字器之 正德進士官郎中 惲紹芳 字光世 嘉靖進士官 福建布政使參議 惲厥初 萬曆甲辰進士 惲驥 順治辛丑進士 惲啟 異 康熙癸丑進士 惲東生 康熙辛未進士 均武進人 弇山堂別集 惲彩 青神人 官錦衣衛經歷

全紹衣 集武進 惲日初 字遜庵 嘗上書救劉宗周 嘗參海上軍事 後為僧 其子壽平 工畫 遜庵肩劉忠正公正學之傳

直隸通志 惲宗恂 滄州人 康熙辛丑進士 惲鶴生 字誠翁 康熙戊子舉人 少受業於錢湘靈 有文名 雍正十年任教諭 勤于課士 文風丕振 士習益端 所著有百一集 惲燮 大興人 乾隆乙未進士

武進志 惲鵬 武進人 乾隆甲辰進士 惲敷 陽湖縣人 甲寅舉人

國

